

Kayëte ndënkwëryënkw mba Pol nte kerëhnëka Timote Wade yehëhna hnë inji kayëte

Afayik Pol kerëhnëka Timote vëkayëte vaki do anji ye ndënkwëryënkw ña. Pol kerëk inji kayëte mpëdara hnë bëhn wafëhw mbëd g'iryawñ g'imbed (65) ga ndëcëk hnagi Yesu ña, Masedëwan hna.

Timote asan ale hwëtahnëka Yesu Këris yeho. Hnëmu ña Gërek yeho do rëmu ña sëwif yeho. Matiko hnë nkol Lisëter hna (Vantiyehn 16.1) do nke lawo paryi Pol hnë ðoku lëwu vacery sali hna. Atëko njasëndëni gë Pol do Pol macëdëha aju hn'ikwëtahn hna. Umë wogëko gë Pol bare Pol tamahnëkawo ðuṣ. Pol tavëka Timote Efes hna soñe karañëhni vëvë cery sali va.

Soñe ile kerëhnanëka inji kayëte ña umë ye, kabi nkeni vëryampo vële harañëdëhëhni vile wok gena toña va. Anahadëni viyë vile ye ðuniña vi mek do kodena njiyi g'ambin afo gë uyët ile soñik do g'ikeha inëlël gë virokëtok viryampo. Pol ntehnëk, fop vile ntik Wën va nkamëk do ndënkwëtehnëdëha Timote karañëdëhni watac vacery sali va.

Kayëte ntëwu ña nësëd viyë vërar: wah-nira vële hwëtahnëk va, vëvë haryënkw vële hwëtahnëk va gë Timote dënk.

Wëlin wanës wakwëhn nafa hn'inja kayëte: ikwëtahn, cery sali, d'uniya, ikaraŋ, Sintani, d'oku, vësëval, vësan, toña.

Wëlin gante nke kayëte ka:

Simpaÿi (1.1-2)

Kwëtëryin hakili gë vële haraŋëdëhëhni vahnë wamër va (1.3-20)

Ikaraŋ soŋe iyëfa do vëvë haryënkwa cery sali (2.1-4.16)

Ile rëfëka ntini vële hwëtahnëk va (5.1-6.2)

Uwët fërën (6.3-19)

Simpaÿi rëkwa (6.20-21)

1-2 Timote, ami Pol herëhnëryidëhi. Wënu ŋa Afëhët fu ya gë Yesu Këris itamahn dëw fu ŋa vëhni lehnëko yewu afayik Yesu Këris ya do wëjë ye fatah mën paryi hnë ikwëtahn hna. Arabi Wën Rëm ya gë Yesu Këris Ahwëhn fu ya njedënihi ipërëna, ikaÿëhnahn gë yam ya!

Kwëtëryin hakili gë vële haraŋëdëhëhni vahnë wamër va

³ Gory Efes hna, had gante ntehnëmino ani gë yihahnëryindu gë Masedëwan ka, kabi nkeni nham vële haraŋëdëhëhni vahnë wamër ŋa; dehnëryihni tavëni. ⁴ Dehnëryihni tavëni itëfëta wëhnantul wahwëhn nafa këm g'idëkw vimbaÿ vacërakëlo vële wok vëfudina. Umë gwajëtël fo njojëd, yiryeryëdina gë ikaraŋ Wën ile liyaŋ hn'ikwëtahn hna. ⁵ Ge ntehnëmi ali koyëna soŋe naÿëni iña nte wätik hnë sakahn facah hna gë inahan ipërën do g'ikwëtahn paryi ye. ⁶ Vëryampo tavëni nkaw tac do tëfëni vankwajëla vakwëhn nafa këm. ⁷ Vëharaŋ sariya Wën ñadëni nkeni,

bare vëyëtëna ile nësëdëni ÿa, vëyëtëna fëna iñë ile njawñëni paryi ÿi.

⁸ Ha, njëtëbun sariya ÿa përenak, ge ntiy-inëk gante tëfëka ka. ⁹ Tëfëka njëti iÿin: sariya ÿa gena vësatah linëhnik. Soje vële wok vëwawëhnëdina gë vële wok vëlënënëdina sariya ÿa, vële wok vëhwëhnana ikwëtahn gë vële wëneď va, vële wok vëlënënëdilahna Wën gë vile facëk va, vële rywëdëhëhni warëm hni ma wahnëm hni, vëryawñ vahnë vëhaşary fëna, ¹⁰ vële lid ndakëntal nte ñewëk Wën gë vësan vële rywakëď gë vësanëntahni, vële wafëdëhëhni vëramp, vële wërëď, vële ye wasede hnë wamër do gë fop vële hwëhna nkeya meh, vile hnëmpëlëk gë ikarañ catah ña linëhnik. ¹¹ Ikarañ tac tëfëlëk gë Wanës Wakasëk wante hwëtëhnanibu, wante watik hnë Wën hunte lënënik, hunte sëmbik.

Icamehn soje ipërëna Wën

¹² Camehnëbuha Yesu Këris Ahwëhn fu ÿa, umë ale yëďako fanka fa: ha, Ahwëhn a nuko kahnëndabu, umë tëhnako liwu đoku lëwu ÿa, ¹³ mama nkehahnëbuho kobëri ña aÿewñ alëwu, ahorotehn do ayapah. Bare kaÿëhnahnëkawo g'ami, kabi kwëtahnëlëwawohna do yëtëlëwohna ile lidëfuho ÿa. ¹⁴ Ha, ipërëna Ahwëhn fu ña njabëkowo, nuÿabuho ikwëtahn ña do gë inahn nte hwëhnayinëk, vankinëk gë Yesu Këris.

¹⁵ Wëlin wanës toña wante rëfëka kacahnini vahnë fop: Yesu Këris njijëk đuniÿa li soje pehëtëhni vëwen. Do ami aşen asankaf yëbu.

¹⁶ Bare wëli soŋe ile kaÿëhnahnëka g'ami: Yesu Këris wãwëk tufahn hn'ami, aŵen asankaf a, iduñëna ipadah idëwu ña. Koyëna dahëse iduñëna dëwu yeŋu soŋe vële hwëtahnëdëha va, gante nuÿahnëdëni uwám usër wã.

¹⁷ Arabi untënah gë icëmb nke g'ahnaŵ avë kantëm, gë Wën hunte wok cëmëdina, hunte wok nudena, hunte wok mëntëlëntina, dol gë kantëm! Amina.

¹⁸ Timote, ajë mën, ntehnëmi ali fop wanës watac wante hwëtehnahnëmi, rëfëlëk gë wanës wante fëyahniko kobëri ña soŋe lëw hu ÿa. Waŋi wanës njawënedëhi do kodu aŵët uwët fërën wã; ¹⁹ kwëtary ikwëtahn hu ña do g'inahan ipërën hu ña. Vëryampo tavëni watac do koyëna përekanëni ikwëtahn dëw hni ña. ²⁰ Hnë vahnë vërac nkentiniho Imene gë Alekësandër; vëhni njëdahnëbuhëhni gë Sintani. Koyëna, ñëŋadëni antë mbok njewëniha Wënu ña.

2

Ikaraj soŋe iyëfa

¹ Awa ryënkwëryënk wã ten, ntehnëmu aŵuntanduna Wënu ña, ayëfanduna, ahëlanduna soŋe vëyënta hun va do asamehnënduna soŋe vahnë va fop. ² Tëfëka ayëfanëhnënduni vële hnaŵëk gë fop vësankaf va gante nkohahnëden yam, tana këm, kahnëndahnin hnë Wën gë njasa ntënah. ³ Irac ye ile fërënak do hnëŋëdëha Wënu ña, Afëhët

fu, ⁴ ale ýad vahnë va fop pehëtini do njëtëntini toña ýa.

⁵ Ha, Wënu hudampo fo ye, do fëna aryampo fo ye yëbëlan Wënu ña gë vahnë va:

asan ye, Yesu Këris,

⁶ umë ale yëfahnëk ntaŵary dëŵu had icos soñe pehëtëhni vahnë va fop.

Rac ye ucedeya nte liyiko wati le pëhnayiko hna ⁷ do soñe rac, Wënu ña hahnëndëko had afëyahn gë afayik harañëndëŵuhni, vële wok vëyena wasëwif, ikwëtahn ña gë toña ýa. Toña ýa nësëdëfu, mërëda.

⁸ Awa ñadëfu vësan va fop njëfandëni gante-wo-gante, njelëndëni wëbák wapacah g'ambin, ntavah këm gë sonko këm.

Ikarañ soñe vësëval hnë cery sali

⁹ Koyëna soñe vësëval va fëna, ñadëfu cudandëni gante cañëk ka, hara vëryëcëtahnëna, tëfëlahna ntiyandëni viyi soñe tufëhnahnëndëni. Antë ndaýëndëni vandaýa vantakah, do antë kayëtandëni gë sanu, ma wanjere, ma viyi vile hambëka ntaŵ.

¹⁰ Bare tëfëka tufahnëndëni iyiv dëŵ hni ña hnë vantiyehn vapërën gante cañëkëhni vësëval vële lehnëd Wënu tëfalëdëni.

¹¹ Asëval a tëfëka ñëñand yam fo do gë imawëhn padah. ¹² Maŵëryanëlëŵahna asëval karaña, ma mëka asan; tëfëka ñëŵ yam. ¹³ Kabi Adam ryënkwiiko ñahani, tac Ev. ¹⁴ Do fëna gena Adam tokako Sintani, bare asëval a yeho, afo nti ile mbañëko Wënu ña. ¹⁵ Bare pehëtëde

hn'uhnag hna, ge njawñenëk ikwëtahn ña, gë iña ña, g'ufacah wã, ge ntid g'useryah.

3

Vësankaf cery sali

¹ Wëlin wanës toña: ge ahnë njëkëlehnëd nke avë karyënkw cery sali, doku fërën ye ile njëkëlehnëd yi. ² Awa umë tēfēka nke ahnë asatah, nke asan asēval aryampo fo, ale fēlak nkaf ntēwu do seryëk, ale lēnēnēde, holëk kaca vahnë do hođ karanjēhni vahnë. ³ Tēfēlahna nke aryēw ma ale wētētēde bare tēfēka nke ale nkukëk sakahn do wok yëkëlehnëdina sonko; antë ñahn dēcēt koryi. ⁴ Tēfēka nke ale holëk mēnk w tere lēwu ña do mēnk wēhni vutah vuntēwu hn'imawēhn, g'untēnah fop. ⁵ Age ahnë a kodina mēnk w tere lēwu ña dēnk, hak kod paß cery sali Wënu ña? ⁶ Tēfēlahna nke ale hwëtahnëk takan, sojē antë pēba inañēna do njo hn'ikitij tac fo gë Sintani. ⁷ Tēfēka kwēhna untēnah gë vële wok veyentina cery sali sojē antë njafini do antë njoni hnë warënd Sintani hna.

Vëyohal cery sali

⁸ Vëyohal hnë cery sali va fēna tēfëkēhni nkeni vësan vële lēnënik do wok vëhwēhnana wanës waki. Tēfëlēhnhna dēcētandēni uñen ña ma njëkëlehnëndēni koryi gë wafere waweh wã fop. ⁹ Tēfëkēhni vahnë vërac kwëtani, gë hakili facah, toña le yētēndanik hn'ikwëtahn hna. ¹⁰ Tēfëka pęcētayi fēna wapacëk sojē njëtahni

bi vëhwëhnana ile nirandeni, tac kodëni nkeni vëyohal cery sali.

¹¹ Vësëval va* fëna tëfëkëhni nkeni vële lënënik do tëfëlahna nëwëndënihëhni viyëntahni, vële yëtëk nkaf ntëw hni do hahnëndak hn'ile-wo-le hna.

¹² Vëyohal cery sali va tëfëkëhni ale-wo-le nke asan asëval aryampo fo do tëfëkëhni nkeni vële holëk mënkw vutah vuntëw hni va gë tere lëw hni ya. ¹³ Vële lid g'afërën doku lëw hni hnë cery sali hna ntënënëdëni do nuÿadëni itama cankaf hn'ikwëtahn nte ye hnë Yesu Këris.

Gante naÿëk ikwëtahn ka

¹⁴ Kerëndidëmi waŋi, mama nahandëbu yiriyiwu yëkiyi hara biÿëna. ¹⁵ Koyëna, ge yinkaryila, njëtëdu gante tëfëka nke njasa hu ŋa hnë tere Wën hna. Iÿi tere, cery sali mba Wën paryi ye nte hagëtëd do famëtëd toña ya. ¹⁶ Ha, pacëk, ufëmpëhnah ile yëtik hn'ikwëtahn hna naÿëk:

Tufëhnako hn'imbahn,
 tufëhnako asatah g'Iyir,
 nuniha wamëleka ŋa,
 pëyahniko hnë vële wok vëyena wasëwif,
 kwëtahniko duniÿa li,
 do kayëndiko yaŋ gë icëmb.

4

Vëharaŋ wamër

* **3:11** 3.11 Vësëval va: Kode nkwëryi fëna «vësëval hni va» ye.

¹ Iyir ña nēsək wapacək: hnē vampəd vatəkwa hna, vēryampo tavēdēni ikwētahn ña. Wayine wade rokadēhēhni tēfēdēni gē ikarañ nte watik hnē Sintani. ² Vahnē vēle hurubak, vēwēr, vēle yētēdu vintaŵary vidēw hni va gona kēncētēlehnēnd yivah gē wēh, wēnehnēdēhēhni gē wanēs wadēw hni ña. ³ Mbañēndēnihēhni vahnē va antē ñēlēlēndēni, do antē tokēndēni viyē viryampo. Bare Wēnu ña ye ale lik a vēyin fop soñe vēle hwētahnək, yētək toña va, tokēdēni camehnatēndēniha Wēnu ña. ⁴ Ha, fop ile ntik Wēn ŷa pērēnak do ñoñ gena ile sanēde ge tebaden camehnatēndenēhna. ⁵ Wanēs Wēnu ña gē wayēfa wā pacēnēd vēyin fop.

Ayohal afērēn

⁶ Karañeryindēhni wañi fop vēle hwētahnək va. Koyēna nkeđu ayohal afērēn ava Yesu Kēris ale ryavik gē wanēs ikwētahn do gē ikarañ catah nte rēfēru gē ikahnēnda. ⁷ Bare cañētary wēhnantul wakwēhn toña kēm, wale hnēmpēlək g'ikwētahn. Ñēñary awo ale hahnēndak hn'ikwētahn Wēn hna. ⁸ Yakēn imbahn nēfak bare gena hnē vile-wo-vile; bare ikahnēnda hn'ikwētahn Wēnu ña nēfak soñe fop. Kabi hnam nke ile ntehnək Wēn ntinēndēhēfu ŷa hnē iŷi d'uniŷa gē ile yejək per.

⁹ Wēlin wanēs toña wante rēfēka kacani vahnē fop: ¹⁰ Ndokuñēden d'us do mētēden, kabi ale ye Wēnu paryi ña ramahninək, umē ale ye Afehēt vahnē fop ŷa, do kas vēle hwētahnēka va.

¹¹ Iŷin ye ile rēfēka aharañēndēhni do alehnēhni vahnē va ntindēni.

¹² Ahnë tēfēlahna njafi kabi fatah woru; bare wējē gery ale tēfētalandēni vēle hwētahnēk, gē wanēs hu ņa, gē nkeya hu ņa, gē inahn hu ņa, gē ikwētahn hu ņa do gē ufacah hu wā. ¹³ Rēkahnēryindu ŷa, pabēry ikaraŋ Wanēs Wēnu ņa hnē ūlunda hna, ahamēnaŷehnēndēhni do aharanēndēhni. ¹⁴ Antē aryēnkwa avalētahn uyēd va Iyir Ipacah le ye hnē wējē hna. Nuŷaruho rac ante nēsēniho wakila do tindēnihino vicēr wēbāk ņa.

¹⁵ Yaŷwēnēry iŷin fop, pabēry gē fanka hu fa fop iŷi doku gante kodēni vahnē va fop nuni unŷi karyēnkwa hu ņa. ¹⁶ Keryēry nkaf hu do g'ile haranēduhēhni vahnē ŷa. Kahnēndary hnē vēŷin fop. Ge koyēna ntiru, pehētadu wējē dēnk gē vēle hnēpadēhi per.

5

¹ Antē ahnirahna g'injañēna acēr. Gabēryinda had rēmuh, vējar va had vēhery hu, ² vanēm va had wahnēmuh, vucēval va fēna had vēhery hu, g'ipacēna padah.

Vēsēval vēle cēmaryēk vēsan

³ Pabēryihni g'untēnah vēle cēmaryēk vēsan, vēle ye paryi vēhni fo va. ⁴ Ge ale cēmaryēk asan a kwēhnakēhni vutah ma vutah vunte nagēni vērahu, tēfēkēhni vutah vutac ñēŋani gante tufahnēdēni ten ikwētahn dēw hni ņa hnē watere wadēw hni hna, cosēnihēhni vēle hnagēkēhni va, kabi umē ye ile hnēŋēdēha Wēnu ņa. ⁵ Ale cēmaryēk asan a, ale ye minu fo ŷa, Wēn hna kwētēk itama dēwu

na fop; hnë iyëfa gë ikëla hna nked, g'umëd gë g'anent. ⁶ Bare ale cëmaryëk asan a ale yëkëlend ile hnënjëdëha fo asëm ale wok yasëd ye. ⁷ Wañi fëna tëfëka aharañëndëhni soñe ahnë antë kwëhna ile niraðëhëhni. ⁸ Age ahnë pabëlëhni hna hnënk lëwü ÿa, do kas vëvë tere lëwü va, njahëtak ikwëtahn na. Ahnë arac mek ntëbi dënk ale wok kwëtahnëna.

⁹ Mawëry ahera asëval ale cëmaryëk asan a hnë kayëte vësay hna ge tëkëka wabëhn wafëhw imbëd gë ryaw (60) do ÿëliko hwënta ryampo fo. ¹⁰ Tëfëka njëtëhni viferën vile ntid va: kwëða përen nte kwëdëkëhniwo vutah vuntëwü, kaca ntënah nte kacadëhëhniwo vëhneh, igwiyët wawkër wante nkwiyëtëdëhëhniwo vële hwëtahnëk, idema nte ndemaðëhëhniwo vële yiwëhnek do lidëho gë uyoh fop vantiyehn vapëren va.

¹¹ Bare antë aherëhni vësëval vële cëmaryëk vësan, vële wok vëryag fo va; kabi ge iña dëw hni na kumpëtëkëhni g'ile kwëtëlëntiniho gë Këris, rëkëdëni ñandëni ñëlini. ¹² Awa koyëna kitinëdëni menëni, kabi vëyawënenëna wante ntehnënihawo Këris na. ¹³ Do kat, ñëñaðëni nkeni vëhëmak, njasëdëni tere gë tere. Gena vëhëmak fo nkeni bare nësënkëni do pabëdëni ile wok gena wadëw hni; vëhodina pëlani wawës walëw hni. ¹⁴ Soñe rac ñadëfu mbok ñëlini vësay vëryag va, nagënihëhni vutah, pabëni watere wadëw hni na soñe vëyëw fu va antë nuñani wameh wante ntehnëdënihëfu. ¹⁵ Kabi vësay vëryampo tavëni nkaw catak tëfëniha Sintani.

16 Age asëval ale hwëtahnëk kwëh্নakëhni vële cëmaryëk vësan tere lëw̃u hna, tëfëka ndemandëhni antë nkeni dīb cery sali ɲa. Koyëna cery sali ɲa koɗ ndemandëhni vële ye paryi minëhni va.

Vële ye haryënk̃w cery sali

17 Vële ye haryënk̃w cery sali do wënk̃wëd g'afërën doku lëw̃ hni ɣa, tëfëkëhni wasos wahi, do kas vële hwëh্নak wad̃oku wadënah hn'ipëyah̃n wanës gë ikaraɲ vëyënta hni. 18 Kabi Vikerëh va më lehnëk: «Ge yihni ɣa ndokujëd ant'arëmpuna wës ɣa soɲe antë tokënd roka ɣa.»✧ Do kat: «Aryokuj a tëfëka cosi.»✧ 19 Antë aʋaʋëhn ahnë nësënd wameh soɲe ale ye ankaf cery sali, ge vëhi ma vërar vëyena waseɗe soɲe watac. 20 Niraryehna tase vahnë fop ale wëneɗ a soɲe vëyëntaʋ va ntakahnëhni antë ntigëni koyëna.

21 Wëlin ile wuntadëmi ɣa haryënk̃w Wën hna gë Yesu Këris do gë haryënk̃w wamëleka Wënu ɲa: maʋëhnëry waɲi fop, diriyihni fop ndampo fo hara dëbëndëlendilihëhnhna vahnë va.

22 Antë ñankahni arinda ahnë wëbák ɲa, alihna avë haryënk̃w cery sali. Antë ayentahni wameh vëyëntaʋ ɲa. Gory afacah.

23 Tavëry ice wënk̃a fo bare ceryind fëna uñen toye soɲe lav d̃onk hu ɣi do gë itesënk hu ɲi.

24 Wameh vëryampo nude wapacëk ani gë kitiɲahnëndeni ɣa dënk; wëba vëyëntaʋ ɲa nude ge kitiɲini. 25 Do fëna, vantiyehn vapërën

✧ 5:18 5.18: Divëta Sariya 25.4 ✧ 5:18 5.18: Lik 10.7

va nude wapacëk, do vante wok nuyina taŋ va kodina nko coŋa.

6

Vëramp

¹ Vële ye hn'utamp va, tēfëkëhni njëđanihëhni ntënah padah vële hwëhnëkëhni va, soŋe antë ahnë njeŵ uŵac Wënu ŋa g'ile haraŋëdenëhëhni vahnë ŷa. ² Vële hwëhnakëhni vësankaf vële kwëtahnëka Wënu ŋa, vahnë vërac tēfëlëhniha njafëni cankaf ntëŵ hni ŋa kabi vëŷënta hni ye. Bare tēfëkëhni ndokuŋëhnëndënihëhni ntëbi kabi vële hnuŷad ufërën ŵa hnë đoku lëŵ hni vële hwëtahnëk ye do vëŷahnik Wënu ŋa. Watac rëfëka aharaŋëndëhni vahnë va do alehnëndëhni ntindëni.

³ Age ahnë karaŋëđëhëhni vahnë wakaŵary, ge maŵëna wanës wapacah wëba Ahwëhn fu Yesu Këris ŋa do ge maŵëna ikaraŋ nte rëfëlëk gë ikwëtahn ŋa, ⁴ ahnë arac inaŷëna ŋa fëbëka, ñoñ yëtëna. Iña ŋa kobëka gwajëtël gë sonko soŋe wanës. Hnam matidëha iñëŵary gë wasonko do gë nës wameh soŋe vëŷëntaŵ, vikamahna vimeh, ⁵ wasonko wale wok pudina yëbëlan vahnë vële tumpak wahakili, wok vëyëtëna toña. Ntiyahnëkëhni ikwëtahn Wënu ŋa fere fale hnuŷahnëde hnapul ye.

⁶ Paryi nke, ikwëtahn Wënu ŋa hnapul sankaf ye ge nëŋëkëfu g'ile hwëhnayinëk ŷa. ⁷ Ñoñ yojilënëhna hnë iŷi đuniŷa, do fëna ñoñ kodelënëhna njoyin. ⁸ Awa ge

kwëhnayinëk ile rokëden gë viyi vile liyaden, umë gwër nkedëhëfu. ⁹ Vële yëkëlend uvetak va njëkëhnahnëdëni, warënd wã pëladëhëhni, viña wanënkwah do wadakëmak ntabëdëhëhni vahnë gë ibëv do janáma hna. ¹⁰ Ha, ankahn wameh wayabah, iña dëcët koryi ña ye. Vëryampo njëkëlehnëni rac dëcët, soñe rac ñawëtani ikwëtahn ña do njoyajëni vëhni dënk wahorot wayabah.

Uwët fërën

¹¹ Awa, wëjë ale kwëhnëk Wën, garyëry vëyin fop. Yëkëlehnëry usatah, ikahnënda gë Wënu ña, ikwëtahn ña, ñhahn ña, iduñëna ña, do gë iguk sakahn. ¹² Mëtëry uwët fërën ikwëtahn ña. Pëlary uwám usër ule wacahniru wã, ule yavëtëru hale ntiru ipëyahn përen ikwëtahn hu ña tase wasede wayabah. ¹³ Tase Wën ale yëfahnëd uwám hnë fop do gë tase Yesu Këris ale rufahnëko ucedeya g'ipëyahn përen haryënkwa Pos Pilat, kwëtehahnëdëmi:

¹⁴ yañwënerë akwëdã, nte hnuýaru ña, g'ufacah, idënt këm, hafo mbokaj Ahwëhn fu Yesu Këris.

¹⁵ Mbokajëd hnë wati le kahnëndëk Wën hna, ale lënënik, ale wëkëk fop, Ahnañ vëhnañ ña do Ahwëhn vëhwëhn ña.

¹⁶ Umë fo ye ale wok cëmëdina ña.

Hnë humpen hunte woyinëk tükënedelënëhna ntëdëk.

Ahnë nulahna do ahnë kodina nuhna.

G'umë nke ntënah ña gë fanka fa kantëm!

Amina.

Ile nkabini vëvetak

¹⁷ Awa wëba vëvetak hnë duniya li, dehnëryihni antë naÿënanndëni do antë kwëtëni itamahn dëw hni ña hnë wavetak le fud, ßare hnë Wën hna, umë ale vetëndayehndëhëfu hnë ile-wo-le ya, soje natahnëfu. ¹⁸ Kwëtehahnëryihni ntindëni vantiyehn vapërën le yed hnapul lëw hni, kwëhnani nëf, cahëlëndëni gë vëyënta hni ile kwëhnani ya. ¹⁹ Koyëna kwëtaðëni hnapul fërën le viyëd soje acahn lëw hni gante kodëni kwëhnani uwám paryi wã.

Simpaÿi rëkwa

²⁰ Awa, wëjë Timote, yañënerÿ dus ile hwëtehahniru ya. Kehary fop wanës wawkëhn nafa këm do wok tëfëlëna g'ikwëtahn ña do gë wasonko wanënkwah wale wãtik hn'ile macëdëni vëryawã «Uyët». ²¹ Vële hnahak kwëhnani uyët rac, tavëni nkañ ikwëtahn ña.

Arabi ipërëna Wënu ña nke gë wuhnë.

**Vikerëh Vikasëk Wën gë Wapëgwala
Wamey: Vikerëh Vikasëk Wën gë Wapëgwala (New
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

f961026b-f72f-5bd7-9f75-efa7f932577e